



UNIVERSIDADE DA CORUÑA

CONVOCATORIA DAS ELECCIÓNS Á DIRECCIÓN DO DEPARTAMENTO DE SOCIOLOXÍA E CIENCIAS DA COMUNICACIÓN

Ao abeiro do que establecen os Estatutos da Universidade da Coruña e o Regulamento electoral xeral (REX), como directora en funcións do Departamento de Socioloxía e Ciencias da Comunicación, resolvo convocar as eleccións á dirección deste departamento segundo as bases que se achegan con este escrito despois de non se proclamar ningunha candidatura definitiva para o dito departamento nas eleccións convocadas por resolución reitoral do 22 de marzo de 2021 á dirección de centros e departamentos da UDC.

A directora en funcións

Antía Pérez Caramés



BASES DA ELECCIÓN DE DIRECTOR/A DO DEPARTAMENTO DE SOCIOLOXÍA E CIENCIAS DA COMUNICACIÓN

A) PROCEDEMENTO

I) COLEXIO ELECTORAL

O Consello do Departamento de Socioloxía e Ciencias da Comunicación constituirá o colexio electoral para as eleccións a director/a do departamento.

II) ELIXIBLES

Nas eleccións á dirección de departamento son elixibles os membros do consello que, tendo a condición de profesorado doutor con vinculación permanente á Universidade, foren proclamados candidatos de forma definitiva.

Poderán ser elixibles os membros do consello que teñan a condición de profesorado con vinculación permanente e carezan do título de doutor ou doutora, cando conorra algunha das circunstancias seguintes:

a) Cando ningún membro do profesorado doutor con vinculación permanente for proclamado candidato.

b) Cando existindo persoas candidatas profesoras doutoras con vinculación permanente, ningunha delas obtivese os votos da maioría absoluta dos membros do consello do departamento. Na sesión extraordinaria do consello do departamento (segundo o artigo 45 do Regulamento electoral xeral) poderá presentarse como persoa candidata calquera persoa do profesorado do consello do departamento. Neste suposto, os membros do profesorado non doutor con vinculación permanente así proclamados candidatos só poderán resultar elixidos directores de departamento cando obtiveren, en segunda volta, un número de votos superior ao acadado polo membro do profesorado doutor con vinculación permanente que obtivese un maior número de votos en primeira volta. De non se dar este suposto, proclamarase director/a o/a candidato/a membro do profesorado doutor con vinculación permanente que obtivese un maior número de votos en primeira volta.

III) ELECTORES

Nas eleccións de director/a de departamento son electores todos os membros do consello de departamento que figuren no correspondente censo electoral.

IV) PRAZO E FORMA DE PRESENTACIÓN E PROCLAMACIÓN DE CANDIDATURAS

As candidaturas irán dirixidas ao presidente da Comisión Electoral Central e presentaranse dentro do prazo establecido no calendario electoral (do 26.04.2021 ao 27.04.2021, até as 14:00 h) na UADI do departamento. Esta enviará por correo electrónico as candidaturas que lles presenten ao enderezo comision.electoral@udc.gal.

O escrito, asinado polo candidato ou candidata, conterá os seguintes datos:

- Nome e apelidos



- Número do documento oficial de identificación
- Centro e departamento a que está adscrito

A proclamación provisoria e definitiva de candidatos e candidatas será realizada pola Comisión Electoral Central de conformidade co disposto no artigo 16 do Regulamento electoral xeral.

Se o número de candidaturas definitivas proclamadas fose só unha, a persoa candidata definitiva será proclamada electa sen necesidade de proceder á votación segundo o artigo 16.4 do REX.

V) MODO DE SE REALIZAR A SESIÓN PARA A ELECCIÓN

Esta sesión extraordinaria de consello de departamento será presidida polo/a director/a en funcións, salvo que se presentar como candidato/a, en cuxo caso será substituído/a polo membro de máis idade presente no consello. O/a presidente/a concederá un espazo de 15 minutos a cada candidato/a para estes exporen ante o consello o seu programa e, a continuación outros 15 minutos para responderen as preguntas que lles formularen os membros do consello. Finalizadas as intervencións, procederase á votación, que será nominal e secreta.

Nesta sesión actuará como secretaria a persoa que o for do departamento, salvo que se presentar como candidata, en cuxo caso será substituída polo membro presente que designar o/a presidente.

As papeletas, que serán elaboradas pola UADI, conterán a relación de candidaturas proclamadas definitivamente, colocadas por orde alfabética, e un recadro ao lado para marcar o voto a favor da candidatura e respectando o establecido no artigo 20 (modo de exercicio do dereito ao voto) do Regulamento electoral xeral.

VI) PROCLAMACIÓN

Será proclamada directora de departamento aquela persoa candidata que en primeira volta obtiver o voto da maioría absoluta dos membros do consello segundo o artigo 46 do Regulamento electoral xeral.

No caso de non haber ningunha persoa candidata que obtiver a maioría absoluta, procederase a unha segunda votación, en que resultará elixida a persoa candidata que obtiver un maior número de votos. Esta votación producirase na mesma sesión do consello, mesmo que resultar de aplicación o establecido polo artigo 44.2 do REX.

O resultado da votación será comunicado á Comisión Electoral Central para os efectos da súa publicación.



B) CALENDARIO ELECTORAL PARA AS ELECCIÓNS Á DIRECCIÓN DO DEPARTAMENTO DE SOCIOLOXÍA E CIENCIAS DA COMUNICACIÓN

- 1.- Convocatoria de eleccións: 23 de abril de 2021 (venres)
- 2.- Prazo de presentación de candidaturas: do 26 de abril (luns) ao 27 de abril de 2021 (martes), até as 14:00 h
- 3.- Proclamación provisoria de candidaturas: 28 de abril de 2021 (mércores)
- 4.- Prazo de presentación e resolución de recursos e solicitudes de rectificación da proclamación provisoria de candidaturas:
 - Prazos de presentación: 29 de abril (xoves) ao 30 de abril de 2021 (venres), até as 14:00 h
 - Prazos de resolución: do 3 de maio (luns) ao 4 de maio de 2021 (martes)
- 5.- Proclamación definitiva de candidaturas: 5 de maio de 2021 (mércores)
- 6.- Campaña electoral: do 6 de maio (xoves) ao 10 de maio de 2021 (luns)
- 7.- Data das eleccións en xunta extraordinaria do Departamento: **11 de maio de 2021** (martes)
- 8.- Proclamación provisoria da candidatura electa: 12 de maio de 2021 (mércores)
- 9.- Prazo de presentación e resolución de recursos e solicitudes de rectificación á proclamación provisoria da candidatura electa:
 - Prazos de presentación: do 13 de maio (xoves) ao 14 de maio de 2021 (venres), até as 14:00 h
 - Prazos de resolución: do 17 de maio (luns) ao 19 de maio de 2021 (mércores)
- 10.- Data de proclamación definitiva da candidatura electa: 20 de maio 2021 (xoves)